



UNIVERSITÄTS-  
BIBLIOTHEK  
PADERBORN

## **Avrea Gemma Christianorvm**

**Ruben, Leonhard**

**Paderbornae, 1604**

XIX. Christus redemptor noster, per sanguinem suum.

---

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

omnia in ipsum pacificans per sanguinem crucis eius, siue qua in terris, siue qua in caelis sunt. Et vos cum essetis aliquando alienati & inimici sensu, in operibus malis: nunc autem reconciliauit in corpore carnis eius per mortem, exhibere vos sanctos, & immaculatos & irreprehensibiles coram ipso. Plura capite decimo sexto, decimo septimo, decimo nono, vigesimo primo.

CAPVT XVIII.

Christus redemptor noster per sanguinem suum.

**F**IGVRAE. Exod. 12. 13. Erit autem sanguis (agni scilicet paschalis) vobis in signum in aedibus in quibus eritis, & videbo sanguinem & transibo vos, nec erit in vobis plaga disperdens quando percussero terram Aegypti. Deut. 13. 5. Propheta autem ille, aut fictor somniorum interficietur: quia locutus est ut vos auerteret a Domino Deo vestro qui eduxit vos de terra Aegypti, & redemit vos de domo seruitutis, ut errare te faceret de via quam tibi praecipit Dominus Deus tuus: & auferes malum de medio tui.

**PROPHETIAE.** Iob. 19. 26. 27. Et rursus circumdabor pelle mea, & in carne mea videbo Deum meum: Scio enim quod redemptor meus viuit, & in nouissimo die de terra surrecturus sum. Psalm. 3. 6. Ego dormiui & soporatus sum: & exsurrexi, quia Dominus suscepit me. Psalm. 50. 9. Asperges me hysopo & mundabor: lanabis me & super

M

super

super niuem dealabor. Psalm. 77. 35. Et rememorati sunt quia Deus adiutor est eorum: & Deus excelsus redemptor eorum est. Psalm. 106. 2. Dicant qui redempti sunt a Domino, quos redemit de manu inimici, & de regionibus congregavit eos. Psal. 109. 9. 10. Redemptionem misit populo suo: mandavit in aeternum testamentum suum. Sanctum & terribile nomen eius: Initium sapientia timor Domini. Intellectus bonus omnibus facientibus eum: laudatio eius manet in seculum seculi. Psalm. 129. 6. 7. 8. Custodia matutina usq; ad noctem speret Israel in Domino. Quia apud Dominum misericordia & clemens piofa apud eum redemptio. Et ipse redimet Israel ex omnibus iniquitatibus eius. Sapien. 9. 19. Nam per sapientiam sanati sunt, quicumq; placuerunt tibi Domine a principio. Ibidem. 10. 12. Custodiuit illum ab inimicis, & a seductoribus intant illum: & certamen forte dedit illi, ut vinceret, & sciret quoniam omnium potentior est sapientia. Isai. 41. 13. 14. Quia ego Dominus Deus tuus apprehendens manum tuam dicensq; tibi: ne timeas, ego adiuui te. Noli timere vermis Iacob, qui mortuus es: Iustus ex Israel: ego auxiliatus sum tibi, dicit Dominus, & redemptor tuus sanctus Israel. Ibid. cap. 41. 1. 2. 3. Et nunc haec dicit Dominus creans te Iacob formans Israel: noli timere quia redemi te, & vocaui te nomine tuo, meus es tu. Cum pertransieris per aquas, tecum ero, & flumina non operient te. Cum ambulaueris in igne non combureris, & flamma non ardebit in te. Quia ego Dominus Deus tuus

Etus  
Eg  
Eg  
salu  
veste  
nem  
nau  
cit  
nus  
absq  
& an  
stiu  
sunt  
minu  
go su  
lus, s  
9. 10  
quia  
mit  
Etum  
bunt  
33. 5.  
quita  
discip  
sanati  
unusq  
minu  
10. 1  
infirm  
suam

Deus Israël saluator tuus dedi propitiationem tuam  
 Egyptum, Æthiopiam & Saba pro te. Vers. 11.  
 Ego sum, ego sum Dominus, & non est absq<sup>3</sup> me  
 saluator Vers. 14. Hac dicit Dominus redemptor  
 vester, sanctus Israël: propter vos misi in Babilo-  
 nem, & detraxi vestes vniuersos, & Chaldaeos in-  
 nauibus suis gloriantes. Capit. 44. 6. 7. Hac di-  
 cit Dominus rex Israël, & redemptor eius Domi-  
 nus exercituum: ego primus, & ego nouissimus, &  
 absq<sup>3</sup> me non est Deus. Quis similis mei? vocet,  
 & annunciet, & ordinem exponat mihi ex quo con-  
 stitui populum antiquum: ventura & que futura  
 sunt annuncient eis. Vide vers. 25. Hac dicit Do-  
 minus redemptor tuus & formator tuus ex utero: e-  
 go sum Dominus faciens omnia, extendens calos so-  
 lus, stabiliens terram, & nullus mecum. Capit. 52.  
 9. 10. Gaudete & laudate simul deserta Ierusalem,  
 quia consolatus est Dominus populum suum, rede-  
 mit Ierusalem, parauit Dominus brachium sano-  
 rum suum in oculis omnium gentium, & viden-  
 bunt omnes fines terre salutare Dei nostri. Capit.  
 53. 5. 6. Ipse enim vulneratus est propter ini-  
 quitates nostras, attritus est propter scelera nostra:  
 disciplina pacis nostrae supra eum, & linore eius  
 sanati sumus. Omnes nos quasi oues errauimus,  
 unusquisq<sup>3</sup> in viam suam declinauit: & posuit Do-  
 minus in eo iniquitatem omnium nostrum. Vers.  
 10. 11. Et Dominus voluit contere eum in  
 infirmitate: Si posuerit pro peccato anima  
 suam videbit semen longeuum, & voluntas Do-

mini in manu eius dirigetur. Pro eo quod la-  
 boravit anima eius, videbit & saturabitur:  
 in scientia sua iustificabit ipse iustus servus meus  
 multos, & iniquitates eorum ipse portabit. Ca-  
 pit. 54. 5. 6. 7. 8. Quia dominabitur tui qui fecit  
 te, Dominus exercituum nomen eius: & redemptor  
 tuus sanctus Israël, Deus omnis terra vocabitur.  
 Quia ut mulierem derelictam & mœrentem spiritus  
 vocavit te Dominus, & uxorem ab adolescentia ab-  
 iectam, dixit Deus tuus. Ad punctum in modico  
 dereliqui te, & in miserationibus magnis congregavi  
 te. In momento indignationis abscondi faciē meā par-  
 per à te, & in misericordia sempiterna misertus sum  
 tui: dixit redemptor tuus Dominus, Cap. 60. 14. 16.  
 Pro eo quod fuisti derelicta, & odio habitata, & non  
 erat qui per te transfret, ponam te in superbiam secu-  
 lorum, gaudium in generationem & generationem, &  
 suges lac gentium, & mamilla regum lactaberis, &  
 scies quia ego Dominus salvans te, & redemptor tuus  
 fortis Iacob. Capit. 62. 11. 12. Ecce Dominus audi-  
 tum fecit in extremis terra, dicite filia Sion: ecce  
 saluator tuus venit, ecce merces eius cum eo, & opus  
 eius coram illo. Et vocabunt eos populus sanctus  
 redempti à Domino. Tu autem vocaberis quæ-  
 civitas, & non derelicta. Ierem. 31. 34. Et non  
 cebit vir ultra proximum suum, & vir fratrem suum  
 dicens; Cognosce Dominum: omnes enim cognosce-  
 me, à minimo eorum usq; ad maximum, ait Dom-  
 nus, quia propitiabor iniquitati eorum, & peccati-  
 rum non memorabor amplius. Ezech. 34. 12.

visitat pastor gregem suum in die quando fuerit in  
 medio ouium suarum dissipatarum, sic visitabo oues  
 meas, & liberabo eas de omnibus locis in quibus di-  
 spersa fuerant in die nubis & caliginis. Dan. 9. 24.  
 septuaginta hebdomades abbreviate sunt super po-  
 pulum tuum, & super urbem sanctam tuam, ut con-  
 summetur prauaricatio, & finē accipiat peccatum, &  
 deleatur iniquitas, & adducatur iustitia sempiter-  
 na, & impleatur visio & prophetia. Osee. 7. 13. 14.  
 Va eis quoniam recesserunt à me, vastabuntur quia  
 prauaricati sunt in me: & ego redemi eos, & ipsi lo-  
 cuti sunt contra me mendacia. Et non clamaue-  
 runt ad me in corde suo, sed ululabunt in cubilibus  
 suis: super triticum & vinum ruminabant, & recess-  
 serunt à me. Ibidem capit. 13. 14. De manu mortis  
 liberabo eos, de morte redimam eos: ero mors tua ò  
 mors, morsus tuus inferne. Ioël. 2. 32. Et erit om-  
 nis qui inuocauerit nomen Domini saluus erit: quia  
 in monte Sion & in Ierusalem erit saluatio sicut dixit  
 Dominus, & in residuis quos Dominus vocauerit.  
 Abd. 17. Et in monte Sion erit saluatio, & erit san-  
 ctus: & possidebit domus Iacob eos qui se possederant.  
 Verf. 21. Et ascendent saluatores in montem Sion in-  
 dicare montē Esau: & erit Domino regnum. Mich.  
 7. 18. 19. Quis Deus similis tui, qui aufers iniquita-  
 tem & transis peccatum reliquiarum hereditatis  
 tuae? non immittet ultra furorem suum: quoniam  
 volens misericordiam est. Reuertetur & misere-  
 bitur nostri, deponet iniquitates nostras: & projiciet  
 in profundum maris omnia peccata nostra. Na-  
 hum.

hum. 1. 15. Ecce super montes pedes euangelizan-  
 tis & annunciantis pacem; celebra Iuda festiuita-  
 tes tuas, & redde vota tua: quia non adyciet ul-  
 tra ut pertranscat in te Belial, vniversus interje.  
 Soph. 3. 14. 15. 16. 17. 18. 19. 20. Lauda filia  
 Sion, iubila Israël, latare & exulta in omni cor-  
 de filia Ierusalem: abstulit Dominus iudicium  
 tuum, auertit inimicos tuos rex Israël Dominus  
 in medio tui, non timebis malum ultra. In die illa  
 dicetur Ierusalem: noli timere, Sion, non dissoluatur  
 manus tua. Dominus Deus tuus in medio tui for-  
 tis, ipse saluabit, gaudebit super te in latitia, silebit in  
 dilectione sua, exultabit super te in laude. Naga,  
 qui à lege recesserant, congregabo, qui ex teerant:  
 ut non ultra habeas super eis opprobrium. Ecco  
 ego interficiam omnes qui affluerunt te in tempore  
 illo, & saluabo claudicantem, & eam qua cecidit  
 fuerat, congregabo: & ponam eos in laudem, & in  
 nomen, in omni terra confusionis eorum. In tem-  
 pore illo quo adducam vos, & in tempore quo con-  
 gregabo vos: dabo enim vos in nomen & in laudem  
 omnibus populis terra, cum conuertero captiuita-  
 tem vestram coram oculis vestris dicit Dominus  
 Zachar. 3. 9. Quia ecce lapis quem dedi coram te  
 su, super lapidem unum septem oculi sunt: ecce  
 ego calabo sculpturam eius ait Dominus exercituum  
 & auferam iniquitatem terra illius in die vna.  
 Ibidem capit. 9. 11. Tu quoq; in sanguine testame-  
 nti tui emisisti vinctos tuos de lacu in quo est aqua  
 Ibidem capit. 13. 1. In die illa erit fons patens

mu David & habitantibus Ierusalem, in ablutionem peccatoris & menstruata. Malach. 3. 2. 3. Et quis poterit cogitare diem aduentus eius? & quis stabit ad videndum eum? ipse enim quasi ignis conflans & emundans argentum: & purgabit filios Leui, & colabit eos quasi aurum, & quasi argentum, & erunt Domino offerentes sacrificia in iustitia. Ibidem capit. 4. 2. Et orietur vobis timentibus nomen meum sol iustitia, & sanitas in pennis eius: & egrediemini, & salietis sicut vituli de armento.

VERITAS. Matth. 20. 26. 27. Non ita erit inter vos, sed quicumque voluerit inter vos maior fieri, sit vester minister; & qui voluerit inter vos primus esse, erit vester seruus: Sicut filius hominis non venit ministrari sed ministrare, & dare animam suam redemptionem pro multis. Ibidem capit. 26. 28. Hic est enim sanguis meus novi testamenti, qui pro multis effundetur in remissionem peccatorum. Luc. 1. 68. Benedictus Dominus Deus Israël, quia visitauit, & fecit redemptionem plebi suae. Ibidem capit. 21. 28. His autem fieri incipientibus respicite & leuate capita vestra: quoniam appropinquat redemptio vestra. Ioan. 1. 29. Altera die vidit Ioannes Iesum venientem ad se, & ait: ecce agnus Dei, ecce qui tollit peccata mundi. Actor. 10. 43. Huic omnes prophetae testimoniū perhibent, remissionem peccatorum accipere per nomē eius omnes qui credunt in eū. Rom. 3. 24. 25. 26. Iustificati gratis per gratiā ipsius per redemptionē quae est

in Christo Iesu, quem proposuit Deus propitiationem  
 per fidem in sanguine ipsius ad ostensionem iustitia  
 suae, propter remissionem precedentium delictorum in  
 sustentationem Dei, ad ostensionem iustitia eius in  
 hoc tempore: ut sit ipse iustus & iustificans eum, qui  
 est ex fide Iesu Christi, 1. Cor. 1. 30. 31. Ex ipso au-  
 tem vos estis in Christo Iesu, qui factus est nobis sa-  
 pientia a Deo, & iustitia, & sanctificatio, & redem-  
 ptio: ut quemadmodum scriptum est, qui gloriatur  
 in Domino gloriatur. Ibidem capit. 6. 20. Empti  
 estis pretio magno, glorificate & portate Deum in  
 corpore vestro. Ibidem capit. 7. 23. Pretio empti  
 estis, nolite fieri servi hominum. Galat. 3. 13. 14. Chri-  
 stus nos redemit de maledicto legis, factus pro nobis  
 maledictum (quia scriptum est: maledictus omnis qui  
 pendet in ligno) ut in gentibus benedictio Abra-  
 ha fieret in Christo Iesu; ut pollicitationem Spiritus ac-  
 cipiamus per fidem. Eph. 1. 7. 8. 9. 10. In quo (Chri-  
 sto) habemus redemptionem per sanguinem eius, re-  
 missionem peccatorum secundum divitias gratiae eius  
 quae superabundavit in nobis in omni sapientia &  
 prudentia: ut notum faceret nobis sacramentum vo-  
 luntatis suae, secundum beneplacitum eius, quod pro-  
 posuit in eo in dispensationem plenitudinis tempo-  
 rum, instaurare omnia in Christo, quae in caelis & quae  
 in terra sunt in ipso. Vers. 13. 14. In quo & cum  
 cum audissetis verbum veritatis (euangelium salu-  
 tis vestrae) in quo & credentes signati estis spiritu pro-  
 missionis sancto, qui est pignus hereditatis nostrae, in  
 redemptionem acquisitionis, in laudem gloriae ipsius  
 Ibidem

Ibidem capit. 2. 17. 18. Et veniens euangelizans pacem vobis qui longè fuistis, & pacem ijs qui propè: quoniam per ipsum habemus accessum ambo in vno spiritu ad Patrem. Heb. 9. 11. 12. 13. 14. Christus autem assistens pontifex futurorum bonorum per amplius & perfectius tabernaculum non manufactum, id est, non huius creationis: neq; per sanguinem hircorum aut vitulorum, sed per proprium sanguinem introiuit semel in sancta aeterna redemptione inuenta. Si enim sanguis hircorum & taurorum & cinis vitulae aspersus, inquinatos sanctificat ad emundationem carnis: quanto magis sanguis Christi, qui per Spiritum sanctum semetipsum obtulit immaculatum Deo, emundauit conscientiam nostram ab operibus mortuis, ad seruiendum Deo viuenti? Et ideo noui testamenti mediator est, vt morte intercedente, in redemptionem earum prauaricationum, quae erat sub priori testamento, repromissionem accipiant, qui vocati sunt aeterna hereditatis. Verf. 22. 23. 24. 25. Et omnia penè in sanguine secundum legem mundantur: & sine sanguinis effusione non fit remissio. Necessè est ergo exemplaria quidem caelestium his mundari: ipsa autem caelestia melioribus hostijs quàm istis. Non enim in manufacta sancta Iesus introiuit, exemplaria verorum: sed in ipsum caelum, vt appareat nunc vultui Dei pro nobis. Neque vt saepe offerat semetipsum, quemadmodum pontifex intrat in sancta per singulos annos in sanguine alieno. Verf. 26. 27. 28. Alioquin oportebat eum frequenter pati ab origine mundi: nunc autem semel

in consummatione seculorum, ad destructionem peccati, per hostiam suam apparuit. Et quemadmodum statutum est hominibus semel mori, post hoc autem iudicium: sic & Christus semel oblatus est ad multorum exhaurienda peccata, secundo sine peccato apparebit expectantibus se, in salutem. 1. Petr. 1. 18, 19, 20, 21. Scientes quod non corruptilibus auro vel argento redempti estis de vana vestra conuersatione paterna traditionis: Sed pretioso sanguine quasi agni immaculati Christi & incontaminati, praecogniti quidem ante mundi constitutionem; manifestati autem nouissimis temporibus propter vos, qui per ipsum fideles estis in Deo, qui suscitauit eum a mortuis, & dedit ei gloriam ut fides vestra & spes esset in Deo. 1. Ioan. 1. 7. Si autem in luce ambulamus sicut & ipse est in luce, societatem habemus ad inuicem, & sanguis Iesu Christi filij eius mundat nos ab omni peccato. Ibid. capit. 2. 1. 2. Filioli mei hac scribo vobis ut non peccetis, sed & si quis peccauerit, aduocatum habemus apud Patrem Iesum Christum iustum: & ipse est propitiatio pro peccatis nostris, non pro nostris autem peccatis tantum, sed etiam pro totius mundi. Cap. 4. 10. In hoc est charitas, non quasi nos dilexerimus Deum; sed quoniam ipse prior dilexit nos, & misit filium suum propitiationem pro peccatis nostris. Apoc. 1. 5. 6. Et a Iesu Christo qui est testis fidelis, primogenitus mortuorum, & princeps regum terra, qui dilexit nos, & lauit nos a peccatis nostris in sanguine suo, & fecit nos regnum, & sacerdotes Deo & Patri suo: ipsi gloria

gloria & imperium in secula seculorum, Amen. Ibid. cap. 5. 8. 9. 10. Et cum aperuisset librum. quatuor animalia & viginti quatuor seniores ceciderunt coram agno habentes singuli citharas & phialas aureas plenas odorum, que sunt orationes sanctorum: & cantabant canticum novum, dicentes: dignus es Domine accipere librum, & aperire signacula eius, quoniam occisus es, & redemisti nos Deo in sanguine ex omni tribu, & lingua, & populo, & natione, & fecisti nos Deo nostro regnum, & sacerdotes, & regnabimus super terram. Capit. 13. 8. Et adorauerunt eum omnes qui inhabitant terram, quorum non sunt scripta nomina in libro vite Agni, qui occisus est ab origine mundi.

## CAPVT XX.

Christus est resuscitator corporum nostrorum.

**P**ROPHETIA. Isai. 26. 19. *Vivent mortui tui, interfecti mei resurgent: expergiscimini, & laudate qui habitatis in puluere: quia ros lucis ros tuus, & terram gigantum detrahes in ruinam.*

**V**ERITAS. Matth. 9. 25. *Et cum eiecta esset turba, intrauit, & tenuit manum eius, & surrexit puella.* Ibidem capit. 27. 52. *Et monumenta aperta sunt, & multa corpora sanctorum, qui dormierant, surrexerunt.* Marc. 5. 41. 42. *Et tenens manum puella ait illi: Tali hacumi, quod est interpretatu puella (tibi dico) surge, & confestim surrexit puella & ambulabat, erat autem annorum duodecim.* & obstupuerunt stupore magno. Luc. 7. 13 14 15. *Quam eum vidisset Dominus misericordia motus super eam,*  
dixit